

Muchinanpotu Gwashlu Pirana

Chichi Gikshikikolu Pirana

Xani muchinanpotu gwashlu pirana nunkakletanu. Wane gima rixapnina muchinanu gwachinnitka Goyakalu giyakotanunnitka. Muchikawgimpotu yine-ru, gi gima wa kapawanaru. Ga wa mamkatgimni. Ga wa nikanrugimna kagituru gerotgimako nikapna. Mgenoklu pixka getko, petlu wa mgenoklu gerotgitu nika, wane gima rixapna. Gi gima rumtapka wa chichi wa wpawjetanru. Wale pirana nunkakletanu.

Wane gima rixjenatnina tsrunnini. Seyni gima waneyna gipjina, gipji shaleejkakna. Wane gima rawna. Giyaagimni wa ruyolikjetinna, gosha gima yana. Nikchi gima rawapna, chkotu, klunerukta wa gosh-gajeru gitu. Rapokgimatna ga wa gemeru gima ranokluna. Ranokgitutluna. Gemer-gima wa saji-tgitutanru, wale gima nikjetna.

Wa muchinangimamka maylu gapkani kapawananni. Wale gapka gimamka gikshiklu wa chichi. Giyaagimni maylu koxgima maylutachrigimanatka. Yineru koxgimananni waleni. Wale yeegima yajetinna, wane-klu gima retatkaluna wa chichi chinkaluru. Retgimatluna wale. Pawgimata. Jimgimatlu wa pagixanu nikanru. Wale gima nika. Giyaagimni wale retna wa yine. Ragjigimatluna. Giyaagimni wale

Rapga Kamrutikolu Pirana

Giyaagimatvani maleshgimni. Gi gima rapgako gwatka. Poprigognetaa rixgimata. Koshpakgimata-tkaluna nikanruna ga wa gagaje panchipa, kasureru, panawgimatatkana wa male ksatewaka. Ga wa rutaklewko xgimatatkana: paranta, jimeka, shiji, jipalu, santira. Wala gima rutakatkana wa ksaturka.

Ga wa nikawna gonnegatkastsigimanatvani, wa kagonchi gima yokmentatna wa yine. Waneklu gima Goyakalu ruynumsatatka. Giyaagimni Goyakalu gima ginkaklu:

Mapa gogne gkagwakanru gonu —chingimatatkalu. Wale gima runkakna wa pimrine. Giyagni nikawnagonnegimatanatkana wa kapna ruyanruna. Rupriga nshinikangimatanatkana.

Giyaagimatvani mapa gogne potgimako retpatkaluna mapchiritka. Popri tlapawakgima ruyakatyatka. Wane gima yosrolonanumta mapchiri. Wale gajxiigima rawamtatka wa gonutka. Rapga gima kamrumtatka. Ga wa reknokgimananumta wa mapchiri. Rajxiigima rawgamtyawaka wa gonu. Giyaagimni potukawgimamta. Wane gima rajxigi reknokananumtya. Wa gonga gima retgan anumta wa rawgajxigi-

ngimata—. Wumkapotutinripa —chingimatni.

Wanenangimako, wane gima chinrenanukna yo-shlamajigamtatka. Nikatgimamtatkalu wa chijitka.

Ga wa wanna gepi suxone nso gima gipcheeko-xatka. Waleplu gima yatkana. Ga wa pimringimnitka rurunnitkana, panchi gimakmaka ya gasukletnitkana wannani. Wane gima rumxikamtyanatkana. Ragyekgimatanatkana. Ga wa wanna gimatka wa gepi maklojinetka nsoplu gonru gima yachinetka, kochipgimananumtlona wa nso gonru. Ga wa tseruwnagimananumta. Rumeppgimatluna; rumeppgimatluna. Romkaagimatna wa gonu, seyni gima kochipinanumtluna. Ga wa gixo gogne gimatkani wa yoptukgatyawakgima rapokatka. Wane gimako rushingatatka. Gike koxgimatka nso gima rawgimatatka. Kasaggimatkalu wa nsotka wa yamunatanruna. Ga wa yinuwaka magalewlegimamtatka wa gonutka. Magalewgimananumtataka, kochipgimananumtatnamluna. Rujrukyeegimananumtatnakna. Masawyeginanumtna.

Giyaagimni rawgimatluna wa nso sagi. Ruknokgagimatluna gakmuu. Ga wa ramgasaggimanata. Gowukshingima rumliksagita. Gi gima ktsal-saglu. Rumatgimatna. —Tengaktawalu —chingimatna.

Giyagni pa gogne gima giknogatnaka. Gi pejnu gogne gimakta giknogatnaka. Wale gimako jijruka-

Genshinikanrewlu Pirana

Wane wixa gimatlepiranyeeegimatletatkalu Gesotka, wixa chinanu wa rupnapinri ga wa rushini-kyawu ga wa rutakyegitwu wa womkagitanrupa ga wa wale galukyawaka womkagitinripa, wetwamonkakinripa, wushiniikakinripa. Wale pixka rushinikwu, waneko pixka gima wixa gishiniklekakanu wixa. Gi wa wixgapkanwa gishiniikaklerunwu.

Waneklu numatjematkalu wa gimepe gishpaklu wa kashrijewna giweklu ga wa kapokotu giweklu giknookotka. Petlu wa muchikawa wma wyoptotkanru Geso, waluka yokwirewlepotuta; waluka giirepotuta, yiri, klunerukokta wa mugleretkotu wumane galukyawaka. Seyni wale pejnunanuka wa giweklu kapokotu giknokachritka, rumre, rapoklewle, ga wa gimkapnugle, yokwikaklu, gektutu gejnu gima, wale pejnunanuka giknokachritkanwa kashrijewna giwekletatka yineru. Waletkanwa gimepe gishpakletachritka chinkaluru. Pejnuruko gektut-pejnunanuka giknookatka, walenwa kapokotu giweklu.

Gi wa gimane pirana wa china, seyni ruwekinri pirana gasrugkaluru piranni wa gimepe gishpaklewlu. Wale konru, Geso konru ptowruko raji gwachri gaga walenwa gimepe gishpaklewlu chinka.

Nachinerune Pirana

Nachinerune pirangapka nunkakletanu. Wane gima rixa giwekletapna nachinerune. Walapuklu gima nikna. Ga wa ginapuklu gima gi nikanna. Ginapuko pshingima gi nikanna. Ga wa walapuko pshingima nikpotutna.

Wane gima rixkaklewtapa satu nachineru gitsrukate. Tsuru gimnitkani wa nachineru gitsrukateni. Teno tlapajee rixgimatni ga wa kyowikgimniri. Ga wa yokanru gima wa ruykole gima rutakgimata, nachinerune rixinripotgimapna. Giyaagimni ginapuklu gima gi nikna. Psotsotaajgima niikakanna rayinerutenni. Ga wa walapuklugimatnani nikjixpotgimatatnakna.

Klujta gima rumtapnina wa supru najiklu. Wane gima chinapka wa supru naji wanna chinre gima "pwapwa" naji. Pwapwa najiklupje gima nikna, nikpotutna. Ga wa tutuka gitaklegimamtatka wa pwapwa naji chinanrona wa supru naji, waneklukoxgima yinuwaka nachletatnakna. Ga wa tutakinpotunangimakotnaka wa supru, nikpotutanutnakna. Wane gima rixkakapanna wa nachineru gitsrukate.

Ga wa koshichinerune gitsrukatgima gi wane

xripni. Wane gima, giputgima tyapaktenata: She, she, she, she, shee, shee —chingimanata.

Giyaagimni wala xripi tumatgojrewgimatnimka wa maylu gnunroni. Chichistsi gima tyapjeta. Wane gima china, taluka koshchekle gichimlennaloka. Giyagni gewi tyapa. Tsaxripjegimatlo. Taskapgimatatnaka. Wala gimako wanestsi yapatnaka. Ga wa tsaxrigimanata wa maylu gnunro. Powra-pututaa tixgimanata. Giyaagimni, petlo wa koywuukoklunchi, kopalshishritka wa chichi. Wane gixachri gima, rajmerpotgimako wa tashkamtanutka. Giyaagimatvani wa tsaxrigimatni wa wale merpotgimako, rajmerpotgimako tashkamtatka wa xripi. Wa tashkagimamtatkalu, tumalnagimamtatkalu che, che, che, che. Giyagni tjemlewgitmatnimkatka wa maylu gnunroni, tushingalewgimatnimkatka. Tsaxripjegimamtmakatkalo. Tmayixjerewgimamtana. Tengima tapokamtatka. Ga wa tumalnagimamtatkalu. Tukgima gakangonru ptaji chinkalurni gima gagmuna popriri wane gima tutakatkalu wa chichi; tutakmerotatkalu. Giyaagimni wa xripni tuylirijrigimamtana gi rixanu gi gima pshini-jrinitkani. Klo tlapaygitaa tixgimatni. Giyaagimni tuylirijritanataka, gi gima goygi tuxetyana. Giyaagimni ksaji swutajrinro wa xripni. Giyaagimatvani wa gakango-